



Broj: 05-JN1-16-4-TB-12-18/24

Sarajevo, 22.07.2024. godine

Na osnovu člana 64. stav (1) tačka b) i 70. st. (1), (3), i (6) Zakona o javnim nabavkama Bosne i Hercegovine („Službeni glasnik BiH“, br. 39/14 i 59/22), te člana II Odluke o internim procedurama stvaranja i evidentiranja obaveza Direkcije za evropske integracije broj: 05/A-02-2-SV-45/14 od dana 14.01.2014. godine, direktorica Direkcije za evropske integracije d o n o s i:

ODLUKU
o izboru najpovoljnijeg ponuđača

Član 1.

Na osnovu provedenog postupka nabavke putem otvorenog postupka za pružanje usluge prevođenja kao najpovoljniji ponuđač izabran je ponuđač JU Centar za obrazovanje odraslih Banja Luka po ukupnoj cijeni ponude nakon provedene e - aukcije od 96.400,00 KM bez PDV - a, sa kojim će se zaključiti Okvirni sporazum za predmetnu nabavku na period od 24 (dvadesetčetiri) mjeseca.

Član 2.

Ova Odluka će se objaviti na internet stranici Direkcije za evropske integracije te istovremeno uputiti svim učesnicima koji su učestvovali u postupku javne nabavke, u skladu sa članom 70. stav (6) Zakona.

Član 3.

Odluka stupa na snagu danom donošenja.

Obrazloženje

Dana 22.05.2024. godine, direktorica Direkcije za evropske integracije je aktom 05-JN1-16-4-TB-112-7/24 od dana 22.05.2024. godine donijela Odluku o izmjeni Odluke o pokretanju postupka kojom se procedura izbora ponuđača za pružanje usluge prevođenja, za potrebe Direkcije za evropske integracije, umjesto konkurentskog zahtjeva provodi putem otvorenog postupka u skladu sa članom 25. Zakona o javnim nabavkama BiH („Službeni glasnik BiH“, br. 39/14 i 59/22), a vrijednost predmetne nabavke je procijenjena u iznosu do 100.000,00 KM bez PDV-a prema članu 14. stav (2) Zakona o javnim nabavkama BiH.

U skladu sa članom 35. stav 1. i 36. stav 1. Zakona o javnim nabavkama („Službeni glasnik BiH“, br. 39/14 i 59/22) (u daljem tekstu: Zakon), Ugovorni organ objavio je obavještenje o pokretanju otvorenog postupka za pružanje usluge prevođenja.

Krajnji roka za dostavu ponuda je 25.06.2024. godine, a do krajnjeg roka za dostavu ponuda na protokol Direkcije za evropske integracije, prispjele su ukupno 2 (dvije) ponude i to:

Naziv ponuđača	Datum prijema ponude	Ukupna cijena ponude sa popustom bez PDV-a
JU Centar za obrazovanje odraslih Banja Luka	25.06.2024.	99.900,00
ERMEX d.o.o. Istočno Sarajevo	25.06.2024.	96.480,00

Tačkom A. 6.8. otvorenog postupka, te tačkom IV 5. Obavještenja o nabavci objavljenog na Portalu javnih nabavki, predviđeno je održavanje e-aukcije.

Na Portalu javnih nabavki e-aukcija je zakazana za dan 08.07.2024. godine sa početkom u 11.00 sati i predviđenim početnim trajanjem e-aukcije od 10 minuta.

Na osnovu dobivenog Izvještaja o toku i završetku e-aukcije, konačno rangiranje ponuda nakon provedene e-aukcije je sljedeće:

Redni broj	Naziv ponuđača	Konačna cijena u KM bez PDV-a	Rang
1	JU Centar za obrazovanje odraslih Banja Luka	96.400,00	1
2	ERMEX d.o.o. Istočno Sarajevo	96.480,00	2

Na osnovu kriterija „najniža cijena“, Komisija je dala preporuku direktorici Direkcije za evropske integracije da donese Odluku o izboru najpovoljnijeg ponuđača i dodjeli Okvirni sporazum za pružanje usluge prevođenja na period od 24 mjeseca, ponuđaču JU Centar za obrazovanje odraslih Banja Luka po ukupnoj cijeni ponude u iznosu od 96.400,00 KM bez PDV - a.

U postupku ocjene provedenog postupka nisu nađene nepravilnosti niti propusti u radu, koji bi eventualno bili osnova za neprihvatanje preporuke Komisije za predmetnu nabavku.

Naime, u postupku je cijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom, podzakonskim aktima i tenderskom dokumentacijom.

Uzimajući u obzir sve navedeno, Okvirni sporazum za pružanje usluge prevođenja dodjeljuje se ponuđaču JU Centar za obrazovanje odraslih Banja Luka po ukupnoj cijeni ponude u iznosu od 96.400,00 KM bez PDV - a.

Iz navedenih razloga, donesena je Odluka kao u dispozitivu.

POUKA O PRAVNOM LIJEKU:

Protiv ove Odluke se može izjaviti žalba Ugovornom organu, najkasnije u roku od 10 (deset) dana od dana prijema ove odluke.



Dostaviti:

1. Učesnicima u javnoj nabavci
2. a/a